



تاریخ وادسات

جلد ۱۳۳۶

مجموعه

برکون بیلنیر فیسق مجموعه مننه اما
پلاچوق آرانیر اورته ده مجموعه بولنیز

ایتدک شرف خدمت اجدادی فراموش
آثارینه اسلافزک رغبت اولنیز

ملک و ملته نافع ، تاریخ ، ادبیات ، فنون ، اقتصادیات و شئون سائره یه متعلق
مباحث مفیده یی حاوی مجموعه شهریه در

بوسمه نك مندرجانی :

روضه مطهره حضرت نبوی نك سكر عدد اسطوانه مباركه سی حقنده
سلطان سلیم ثالث حضرت تلیرنك محرر بولنان نعت عبودیت اختوای شاهانه لری .
خادم و حافظ امانات مباركه خلفای جلیله عثمانیه نك شرف سلسله
سیادت لری و علم جلیل انسابك فوائدی .
علی کمال بك افندی حضرت تلیرنه جواب .
فضولی و نابویه نظیره غزل (امیری)
مستزاد . . (امیری)

ناشری
علی امیری

اوقاف اسلامیہ مطبعہ سی

دعویٰ کفر و جهالت ایلین بد مشربان
 کلدیله ایمانه کورد کده ظهور شوکتین
 جوهر خاک قدومی اوتیادیر چشمه
 خاک راهی روشن ایلر روز حشرک نظمین
 ییکی عالم آفتابی سنسین ای فخر رسل
 پرتو مهرکله بولدی دین و دنیا زینتین
 المیزسک بو قولکدن لطف و احسانک دریغ
 ای شهنشاه جهان لطف ایت روا قیل حاجتین
 ملهم اولدم یازمه بن نسخه اوصافی
 ایلدم بهر شفاعت ایت پاکی خدمتین
 شاننه لایق نیجه اوصافه اولسون قدرتم
 لایق نیجه حق ایدر نعظیم خلق عزتین
 ای کرم کافی ظلام غمدن آزاد ایت بی
 شاهلر چونکیم دریغ ایتمز قولندن رأفتین
 شمع شوقک پرتوی مردم دروننده یانار
 سینۀ پرسوزک افزون ایلدی کریمتین
 نه فلک لرده ملککله انس و جن هپ بنده در
 خدمتکده پادشاهلر بولدی شان و شهرتین
 دائماً ذکر صلاتی اوله اورادم بنم
 بخش ایدر سه اول شه تخت رسالت همتین
 بیک صلات ایله سلام اولسون روان پاکنه [۱]
 ایلر (الهامی) رجا نقد شفاعت رخصتین



[۱] بونعت شریف عبودیت ردیف ، سلطان سلیم ثالث حضرتلرینک
 . ملت کتبخانه سنده موجود یازمه دیوان شاهانه لرنده دخی موجود در .